



道光濟南府志(三)



(清) (清)

王 王
贈
芳 鎮 燿 成 冷

纂 修

章邱

魯之俊章邱人前明天啟舉人登癸卯明通榜順治間由國子監

丞歷工部都水司主事凡關國計籌度不留餘力常語僚友曰

為臣者當實心任事無負所學鞠躬盡瘁宜三復也游陞通惠

河道疏通利源不遺纖悉土人祝之解組歸里置南北二園時

同故舊詩酒相娛與子弟講經義扶前賢所未發祀鄉賢

袁聲號荆陽章邱人崇禎癸未進士順治開官山西嵐陽令時以

逆闖脅土民寇城內外收嫌山民結聚時出擄掠單騎招撫皆

投誠獨高九英不與請二十日部兵大師七千乃克成擒人心

濟南府志

卷五十四

人物十

一

未定隨村撫慰見頹垣僵尸為之大慟民皆感泣分校秋闈得

士七人聯蜚者四擢刑部貴州司郎中去之日臥轍攀轅者無

數立祠於東門內祀之在部三年多所平反出為太平知府興

利除害一塵不染公餘卽事吟咏著有春秋鼎鑪經匯海八十

卷通鑑世系詩詞便覽藏於家荆陽詩紀二十種行世祀鄉賢

袁建高字岱巖崇禎壬午舉人順治開任浙江平湖令少負雅才

工詩文尤善七言曠達幽秀著有龍吟集

焦毓瑞字輯五號石虹章邱人明益夏巡撫警之孫口芬子也順

治丁亥進士任御史巡視漕倉恤旗丁免耗折祛弊政巡按直

大招流亡葺學校課農桑巡鹽河東酌定成規使鹽斤不盈縮

商民稱便進刑部右侍郎用法寬恕凡屬矜疑莫不平反太樹

民因事行財法司擬以授受同科律應死瑞曰受者百二十金
乃為滿貫以授者分計三人各四十金法止杖耳律云皆計所
得是其證也奏請得末減遂為定例山東饑高苑民十三人持
囊索向大姓穿糧有司以盜論傳大辟瑞謂不過飢民求糶死
食夙夜在公不遑洗沐淮安有商三十三人舟自廟灣趨膠州
遇颶風引至朝鮮執送京師議者謂犯禁通海其人言有官給
照票失主瑞議行查事遂白及吳逆蕩平康熙壬戌上元

賜宴乾清宮

詔賦栢梁體詩瑞有天河洗甲通靈鄉之句轉戶部左侍郎悉心任事
以疾卒馳驛歸葬著有南遊草詩祀鄉賢

濟南府志

卷五十四

人物十

二

焦毓棟字立庵號吉雲日培子也康熙己未進士由行人擢考功

主事嚴考校有不合輒不署銜同堂敬憚之擢驗封員外郎各

省命盜重讞及有司拖欠非關侵蝕者能洞見委曲具稿陳請

二十餘事俱允行嘗行取棟曰朝廷選建良吏勳名統係於茲

縣令往往以數載賢勞微事被譴冰鑑謂何轉副文選旋轉司

勳值西關磨勘處分毫無徇庇咸曰焦公在部有何事不允協

者陞考功郎中尋致仕歸以讀書課子姪為樂嫺親貧者體卹

周至鄉黨子弟貧不能讀者悉資之時邑令立陽邱書院傾囊

資助優游林下者二十餘年

焦毓鼎字象九號訥庵日培子康熙辛未進士授鍾祥令古郢地

水陸要衝清驛遞滅火耗恤獄囚除里民陋規禁婦女出訟繕

河堤以弭水患廣賑卹以濟民饑六年之間翕然稱治尤加意
作人拔劉性傳仁傳兄弟於孤寒中已卯分校鄉闈所得皆知
名士一時士民尸祝之

焦鏡慶字善餘順治甲申拔貢選江西永新令時江右初入版圖
居民寥落清白自矢緩催科勤撫字民歌樂只焉值金聲桓為
逆慷慨登陣力窮援絕遂以身殉妾劉氏自縊其舅氏張驥驤
僕劉治張乾恒俱死祀鄉賢嘉慶七年六世孫希和襲世職

焦綰祚字翰臣號如圃毓瑞孫少為諸生有聲淄川唐太史每扣
所學至稱之贈以詩曰敢道長源為小友真成羅石是吾師好
吟咏風格超逸新城王文簡謂其得大蘇神味事母盡孝與弟
綬祚友愛甚至有如圓詩稿

齊南府志 卷五十四 人物十 國朝 章邱 三

焦綬祚緒祚弟康熙癸巳進士內閣中書借補奉天府經歷攝海
城廣益遼陽鐵嶺諸篆不具強禦有莊頭侵漁民業悉奪還之
旗人每私役民間子女為奴婢白府尹禁焉遼陽嘗奏漕時苦
霖雨胥吏恐悞限故寬之至期車牛擔負輸將恐後又嘗攝學
官以古文詞教諸生風氣一變承德令虧帑數百金領襄助之
以母憂歸里不復出

焦纘祚字嗣宗號鶴野諸生援例候選學正性嗜學古書皆手鈔
名曰廣益錄善真草書叔祈年太史顏其室曰留古因自號留
古居士云
焦祈年字毅貽毓棟季子雍正癸卯進士授翰林院編修轉御史
巡南城察萬安倉及五城街道皆洞燭情偽無敢欺者南城金

魚池每雨漲行人易溺捐俸鳩工環以牆垣民稱便焉歷掌山
西河南京畿浙江江西各道事凡有關國計民生者均詳悉陳
奏授順天府丞權府尹遷右通政出為廣東觀風整俗使至粵
見婦女牽纜即禁除之下車後一切事宜無不權衡至營建修
十府二州書院延通人為之師濱海多盜出則乘艦張蓋吏不
能禁設法鈎捕獲渠魁百餘人自是商無被劫奸民陳某會某
以符劄煽惑人擒治之赦其株連者武舉余某交結黨眾偵得
其實論如律西洋人置天主堂愚氓瞻拜無虛日逐其倡教者
赴澳門粵俗以正簡閱各營兵有紀律軍政肅然擢光祿寺卿
授順天府尹旋調奉天行至山海關以疾歸卒於里

齊南府志 卷五十四 人物十 國朝 章邱 四

焦汝益字未始綬祚子侍父母疾衣不解帶會歲潦盡出廩中粟
濟貧困以為親祈年居父母喪將葬形家曰今年歲運不利中
子諸兄弟請改期益曰惟期父母安耳身何計焉遂葬以哀毀
卒
焦爾啟字文發行曾子以父患痿痺遊習內經調湯藥三年無懈
年四十無子形家欲收葬不聽後有子二孫五年八十四歲
焦汝為監生兄弟六人年最幼早失恃析居田宅皆讓於兄獨一
荒園茅屋數椽為父築精舍植花卉松竹約諸兄會食以悅親
心父歿哀毀孤棲終身焉
焦式冲字懷谷乾隆壬辰進士授江南儀徵令服強悍賑災黎阜
有政聲丙午分校鄉闈取士多英雋歸里後汲引後進多秘科
第著有余青園詩集

焦爾厚字孔俾號樸村詵曾子乾隆庚午舉於鄉爲商河教諭擢

甘肅崇信令教樹畜興學校兩年政有聲調西寧古鄯郡通青

海藏衛番回雜處好訟習剽掠爲申條教布恩信民大服權知

河州值大饑置粥廠數區全活無算已而疫大作存者瘞之歿

者瘞之士民感泣以父憂歸服除官長沙同知擢知貴州遵義

府以廉正實簡爲治聞母訃馳歸五閱月卒有樸村詩草八卷

焦以潤字玉甫號綠軒爾厚子幼穎悟工詩古文詞乾隆己酉進

士選河南虞城令樂易親民勤於聽斷瀕河地灘徙不常有地

已灘荒而仍責租賦者數千畝請於上官固爭之得免舊俗計

里出車供繇役減其數以紓民困民大悅有焦青天之稱母卒

於署將扶輦歸河決衝家樓上官留辦工料役竣回里已而奏

濟南府志 卷五十四 人物十 章邱 五

留河南補涉縣調淮孟所至除陋規敦士習與民休息卒於官

著有竹濤偶吟

李縉明字仲卿章邱人順治己丑進士初任大理覆奏詳覈俱稱

明允督理中河巡察江北釐奸剔弊興利惠民尤究心經史分

校北闈所得皆知名士居官每購求遺書手不釋卷如諸生時

致仕後搆別業曰嘯園著有蓄德錄彭門腐草字學蠡測嘯園

集等書

胡璽字爾玉號良卿明中丞東漸之子歲貢生考授州同知淹貫

經史工詩古文詞兼精書法著有憶山堂存草淡泊居詩逕

胡世藻字友澄號潔菴東漸孫康熙丙辰進士初令孟德勤於吏

治聲冠八閩擢四川正安知州修學宮立課程令諸生每月一

渠州署課試親爲甲乙由是人才蔚起內陞郎中歷兵戶兩部

整好剔弊政務肅清分校禮闈所取皆知名士督學中州釐正

文體甄拔者鄉會榜多居前列事竣例當修河以清介獨免擢

湖南參議地近苗疆每多蠢動德威兼濟苗民向化百姓感之

澧州建有生祠引年歸父老攀轅流涕者千餘人祀鄉賢

胡子翼號岱峯予襄弟乾隆庚辰舉人歷知樂平平陸縣事署汾

州府同知授孟縣令值兩金川不靖軍興芻牛孟當孔道支應

無誤調嶧縣權知應州所至有政聲因病左遷濱州學正卒於

官

牛天宿字觀徽號次月章邱人順治己丑進士初授江西安遠令

以勦寇捍城功擢工部員外歷郎中兩權蕪湖龍江關有能聲

濟南府志 卷五十四 人物十 章邱 六

擢知延安府有虎患作文驅之虎不爲災以憂歸後知瓊州府

瓊俗市廛貿易男女雜處諭以禮義習俗爲之變因病乞休歸

著有四書正宗安政三畧厚俗令書海表奇觀百僚金鑑毓秀

館草行世

牛元弼康熙壬辰進士任峽江知縣癸卯分校鄉闈得士最盛調

清江縣峽江士民保留不得立祠祀之

牛中開字萬平乾隆庚寅舉人初官濰縣訓導後授咸豐令減糧

價清積案建義學未久卒於官

牛中瀚字滄若號耐軒乾隆丁酉拔貢癸卯順天舉人由四庫館

議敘授湖北保康令山深民稀多盜賊嚴治之盜皆遁跡邑人

素不知學乃與生童約期課試士風日振時有安南之役襄陽

守檄出夫馬千餘力請得免權黃陂四十餘日判積獄八百餘
案人皆帖服以父憂歸服除檢發甘肅知文縣邑有重犯縣役
憚於招解輒將罪人陷之白水江嚴禁絕之時川陝未靖修城
池核丁壯密為之備嘗奉檄調民入城團練懼擾民請令民自
行團練上官賢之又奉檄發運川糧至略陽賊劫糧千餘石民
悉為補運丁母憂賊匪猝至距城僅數十里新令遽閉門民繞
城而號中瀚墜衰出令啟城門使民入復督鄉勇守城賊見有
守乃趨畧陽後選湖南安化令卒於官

郭見龍字瑞楚章邱人順治年歲貢授直隸永孟縣令缺裁改陝
西鳳翔縣勤於政事著有能聲

劉之驥章邱人順治壬辰進士任河南商邱令安靜敦朴勤恪平

濟南府志 卷五十四 人物十 章邱 七

忽任數載上下宜之擢升主事

安錫祚章邱人順治壬辰進士官山西趙城令與利除弊方半載

趙人肖形祀之擢刑部主事

潘颺言字虞謨號菴章邱人順治壬辰進士授直隸孟晉知縣

鋤抑強暴驅除响賊民獲安堵尤能作養人才集士子面為講

解指示以束躬砥行之規士皆興起擢文選司主事未幾被議

歸徜徉山水賦詩自娛訓課子孫優游終老

王濂字程濂號樵嵐章邱人順治戊戌進士授榮昌令蜀巖邑兵

燹後城中戶不滿百招徠安輯民大悅服邊鄙士不知學為廣

學宮崇禮教視事六載治行稱第一以憂歸服除授河陰令謹

河防錮灘租平獄獄因病歸里卒子大年號天木康熙甲辰進

士宰崑山民亦頌之

李慎修字思永號雪山章邱人康熙壬辰進士由撰文中書權主
事出知杭州府整躬率屬吏治肅清雍正五年遷刑部員外晉
郎中前後十餘載多所平反嘗有京官招一屠人作佃戶并貸
以金屠人妻素淫乘屠醉殺之而誣京官不能雪事問命審
冤遂白又有某官侵匿帑金議以挪移從未減慎修曰恩出自
上若司官枉法是先自罹於法何以居官乎乾隆元年擢河南
南汝光道有白面包公之稱紳民為建生祠慎修見之命易以
范文正公像嘗於城中集士民講論孝弟睦姻任郵之義多有
感泣者五年調湖北武漢黃德道凡盜竊奸宄聞將至相率出
境調驛傳鹽法道力御舊日陋規以憂歸服除補江南驛鹽道

濟南府志 卷五十四 人物十 章邱 八

改授江西道監察御史指陳時事盡言無隱尋授湖南衡永郴

桂道過武昌商人感舊德奉金為壽終弗受十二年解組歸優

游林下者七載著有內訟綱吏治厄言倫理至言勸民俗話立

繼說恤囚說檢驗說諸書

張夢白章邱人康熙癸巳進士初授廣西永福令以備靜為治囹

圜幾空治狀擢第一調宜山素稱難治者曰三曹其民阻洞而

居官吏不得見邑有鎮曰得勝去其地數里洞民往往竊出設

役捕之益擾無濟夢白至吏以告問如此者幾年對曰二十年

夢白曰此非抗頑必先來輸時吏民有利其愚騃而無端相擾

者故竄伏不至耳乃盡撤胥役擇幹吏數人往撫慰之自是出

者日眾因就鎮所收租稅以不虧而民亦不擾其善政率如此

王世睿字道存號龍溪章邱人康熙乙未進士知四川廬山縣賦除稅撫輯有方會涼山蠻叛從巡撫征勦駐劄爐建隘口檢閱金川九寺木坪魯密諸路士兵犒賞調遣軍士効命因語監軍曰蠻人性不離巢若以圍師必卻之術兼用火攻逼其後賊逸而潰可成擒矣監軍用其言果大勝獲其渠魁以軍功議敘權天全宣慰土司天全自唐時歸土司迄今已千餘載世睿至鎮撫苗民條陳建官吏稽戶口料地畝清疆界編保甲追軍器六事上官從之天全遂改土歸流後大兵討頗羅鼈復委運糧由內地至察木往返四閱月兵餉俱足又從剿烏家鎮雄叛逆者均著勞績旋奉行取巡撫奏留天全舉所議六事行之夷民大悅擢知瀘州將赴任奉委齎封印金幣進藏出箭爐雪嶺黑

濟南府志

卷五十四

人物十

九

海嵐裔歷番國一十有四在瀘兩載利興弊除因公左遷除江南江浦縣調上海捕蝗恤賑所至有聲著有進藏紀程紀遇詩捕蝗記事若干卷

甯之葵字赤生章邱人康熙甲午舉人授山西平陸令民俗簡朴為修農器教樹蓄勤考課定婚娶在任三年政簡刑清邑人杜若拙為詩以紀其實以乞養回籍遂不出年八十一卒

周泰生章邱人歲貢生康熙三十年宰江安縣庭無宿訟吏無隱情勸課農桑改建學校擢貴州黔西牧民立碑頌之

張福嗣章邱人魁梧有勇力康熙三十五年以鄉勇隨征葛爾丹三載無失事事平授尉職不就

王焯章邱庠生素有膽量尤精武藝考授縣丞康熙三十五年卒

子大器隨征葛爾丹參謀蓋有奇功事平授章京職

崔可訓字秀卿章邱人家貧不能讀書投身行伍康熙雍正開西寇跳梁從征十二年值元日黎明寇突來執刃乘馬突入賊軍立斬三十餘級追賊陷入坑塹中危急間馬忽躍出又奮斃數人大軍乘勢追襲遂獲全勝奏首功賜職千總事平擢印墨守備乾隆九年升遊擊卒於官

甯天瑞字聚五章邱人業儒素貧一日為婦翁壽頗不禮拂衣歸苦心耽讀種瓜自給康熙癸丑成進士婦家以厚幣往賀笑而麾之官直隸武清令案牘之餘吟咏不輟遇文士則自道種瓜時事數歲罷歸

李方泌字衡修章邱人雍正己酉拔貢授山西孝義縣令俗悍好

濟南府志

卷五十四

人物十

十

門民多帶刀劍力禁之除虎患通道路河決壞民田為築堤建牖民德之丁母憂以哀毀卒

韓尚夏字縉雲大岷子康熙丁酉舉人丁未中正任臨淄教諭擢青州教授河南汝州同知所至有聲解官後嘯傲林泉著有小峨媚集善法亦疎秀舉鄉飲大賓年九十一卒

郝奇璋字符玉章邱人性純孝十三歲而孤事嫡母極色養明季之難負母而逃事定始歸其姊貧而窶為置田宅創其階孤凡族黨子弟貧不能讀書者俱延師成就之濟困扶危終身不倦里人奉為矜式崇祀鄉賢

郝純祉字罄宜奇璋長子性敏好學尤究心濂洛性理諸書貫成均官膠州監海訓導其學官勵士行遵蘇湖教法諸生悅服擢

高唐學正上官疏薦於朝以母老乞養歸

郝益祉字百祿奇璋次子性孝友母年九十餘躬親就養設義冢施棺槨濟饑餒代贖子女由歲貢任福山校官振興文教人負其資五千餘金臨終悉焚其券

郝廷奎字掄菴號西野益祉次子雍正甲辰副貢博極羣書庚子歲讀書珠泉聞父疾遠歸侍湯藥一夜數起命之退息未嘗歸寢疾久不愈與胞兄廷佐夜禱願以身代父疾漸瘳篤愛兄弟有姜家布被風鄰里多化於善

馮士鑄字象九章邱人乾隆丁巳進士授山西甘泉令邑苦嚴寒教以種植肥蔭之法民不解織紉為製紡績具募工教之邑無科第勤課諸生獎勵鼓舞文運丕振北山多虎招丁役擒捕遂

濟南府志

卷五十四

人物十
國朝 章邱

十一

無患洛川之交口為延綏達西安孔道山水驟漲請于監司捐廉設渡無病涉者以疾歸病痊除原官值歲饑為請帑賑濟未幾卒於官

孟廷對字叔揚號秋崖其先本亞聖裔明永樂時自棗強遷章邱之舊軍鎮父可舉生三子長廷壯乾隆甲子舉人次興麟廷對其季也乾隆丙戌進士授雲南建水令苗熨雜處獷悍不馴廷對寬猛相濟翕然稱治後改盧龍移豐潤以徭役繁劇為捐廉置驛車以紓民力咸愛戴之丁母憂服闋補福建崇安令尤多善政稱神明卒未幾卒於官

翟中策字殿颺號清溪章邱人乾隆甲辰進士授江南儀徵令抵任時河決於徐儀徵撫辦第五段設法疏導四十餘日功乃成

費金二萬餘未嘗絲毫擾閭里有劉姓操舟為業晚繫纜於樸樹灣至夜權夫被殺有以舟子婦方中年疑之者置不以問越五旬得賊於蘇州關下獄成而不寃一人旋詔江西高安令邑有王三秀少聘劉氏後家貧劉悔議以大義曉劉給王錢帛使成禮尤留意文教按課程手定甲乙又刊戒溺女文課日各授一卷俾向村愚解說俗為之變會丁母憂歸服闋任四川萬縣除盜賊賑荒災區畫明敏為諸邑最年七十卒於官

史誠儀字醇夫章邱人幼喪父事繼母以孝聞乾隆己亥年十八舉於鄉後除唐縣令邑西有倒馬關山徑叢雜綿亘百餘里奸宄匿跡申條約嚴偵察境內肅然唐河舊無堤埝山水驟發輒漫溢為築堤以保田廬調大名驛騎不足捐置馬三十餘匹瀝

濟南府志

卷五十四

人物十
國朝 章邱

十二

水漲被災者四百餘村躬親履勘需賑米萬石力請乃行發賑之先依報冊戶口按村榜示吏胥無由染指直省俱奉以為式擢署通州尤稱繁劇禁貼車舊例捐置任載大車十兩或不給皆官為雇備行旅稱便聽斷公允案無留牘有同室爭訟者諭以大義皆感泣而去未久卒於官

李秉瑜字瑾齋章邱人乾隆己亥舉人初官泗水孟陽教諭旋授濮州學正捐修學宮學署創建文昌祠值河水為患教匪滋事防守賑濟與有勞焉老病乞歸年七十三卒著有濮陽詩集張冠軍字勇三章邱人乾隆間入戎行撫憲長其器之授左營外委擢馮城把總川楚未平嘉慶初揀汛弁有幹畧者往征冠軍與焉抵軍所值大雷雨賊數萬猝至單騎禦敵曾不少挫大軍

與賊隔一兀哭河相持月餘乘夜渡河偵知賊方夜宴優俳雜進多醉臥者馳歸白主帥身率士卒奮勇爭先遂奪賊寨二十四處復地二百四十餘里敎勲居前凡歷行陣七年百餘戰所向無敵擒賊首羅其清陝甘部落以次削平七年九月凱旋授梁山營都司調沙溝營卒年五十四

董瑄字又薛章邱人乾隆丙午舉人官安徽全椒霍山蒙城廬江諸縣令事無鉅細不任幕友決獄用刑尤慎與文教除強悍所至有聲著制藝綱目一書以訓後學

王元培字均調章邱人少英敏工詩文兼通武略乾隆壬子舉人嘉慶六年挑一等等以母老就教職選博平訓導訓諸生如子弟丁母憂歸服闋選金鄉教諭十八年金鄉教匪李卓立等將為

濟南府志 卷五十四 人物十 國朝 章邱 七

亂密報學憲移撫憲偵訪之捕獲教匪頭目崔士俊等二十餘人九月變作與縣令分城而守購礮石補城垣戎裝劍佩一時倚為干城迨河鎮一標兵至賊遂敗而西事平以疾歸著有東緡城守紀事一卷及均調詩鈔

甯自學字殖亭章邱人嘉慶壬戌進士授甘肅秦安令邑多稅擇其不奉上者悉去之修葺春雨書院延師考課設義學廣教化士氣一振既匪起東南相距僅百里乃謀於邑人用備堵禦之具一切甲士模糧驛站芻茭悉捐俸以償一時士民咸誦之乞假歸秦人攀轅流涕晚教授沂州多所陶成著有論語析解學庸匯成

王景與字敬亭章邱人由館班選直隸鹽庫大使擢南皮令調任

邱後官奉天歷知蓋平廣寧承德縣事和易近民長於聽斷所至以廉能稱權知錦州府兼權奉天府治中除新民廳撫民同知每遇大差民間貼差甚苦盡行革除致仕歸士民以四千金贈行卻弗受卒年七十九子維培官浙江嘉興令

下恒振字鷺飛號稽酉章邱人乾隆庚午舉人大挑一等分發甘肅信補狄道州學正權知清水縣事除煩苛興教化有循吏風以母憂歸遂不仕工詩善屬文著有碎金海錄詩韻考註古今統圖考說若干卷

韓振綱章邱人乾隆己卯舉人官益海州訓導教士以德行為先艱於膏火者周給之去任後闔學請於州植石紀之署登州府教授洋買泊舟鹵岸貨歸無所請於太守給票令回籍及告歸

濟南府志 卷五十四 人物十 國朝 章邱 七

構別墅於珠泉上著有碧松子詩草珠泉夜話 韓秉智號怡園章邱人曾祖與佐貢生值歲饑恤貧乏活人無算秉智乾隆戊子舉於鄉早喪母事父克孝課其弟相繼入泮刊家乘倡族社每月朔燕集一堂講敦睦之道村東為繡江匯流所橋梁傾圯竭力修之選利津教諭倡修學宮教諸生以修行明經為務乞養歸繼母亡哀毀成疾卒

馬汝舟字濟川先世自秦強徙章邱汝舟年十二入郡學由歲貢舉嘉慶庚申順天鄉試明年成進士十年除山西襄垣知縣土風樸邁遷諸生集古韓書院泮勵之如授徒時不為疲也勤聽訟無冤抑狂狷幾空常平倉粟出陳易新每歲擾民力持之終任無出納癸酉鄉試充同考官值猾匪弄兵縣有虎亭為衝途

軍旅絡繹百姓驚匿鎮撫安輯之遇旱祈雨輒應大暑勸獄不休得賜疾民爲之禱疾愈登堂稱壽者幾萬人以口告致仕歸未幾卒長子紹援池州府知府

柴震龍章邱人順治年歲貢選江西興國知縣遇金逆之變捐軀殉難其子朝賓明賓俱死贈江西按察司僉事廕一子嘉慶七年六世孫長清襲恩騎尉世職罔替

王銘盤章邱諸生性慷慨識膽過人順治十二年土寇猖獗親往說以大義招撫之巡撫于表其廬曰仁人君子卒年八十三

王啟號愛軒章邱人事母至孝吉耕餬口承歡無缺與朋友討論皆出榮利之外性慷慨篤友誼遇先人忌辰慘然不樂率子孫拜祭輒流涕有家訓十二章得司馬溫公遺意

濟南府志

卷五十四

人物十

國朝

章邱

五

韓鎮章邱人太學生少貧甚父母病多方醫治竟夜禱祝於天期延親壽及歿哀毀骨立母於歲時書其所行以告如侍膝下者兄弟三人兩兄早世撫視姪輩一如己子百口同居雅有張公遺風

張慶李字同也章邱諸生明陝西副使汝楹之孫幼穎慧於書無所不讀一時向學者皆師事之性至孝母嘗乘車而馬逸遇偏力爲挽之母得不墜厚贖其人以終其身母既歿寒暑霜露之晨必泣凡祭墓物必手自攜與人交質直盡言嘗曰人能不欺暮夜則百事可立浩然之氣由此而生

李之紳章邱人李燧第三子少孤家貧母多病躬侍湯藥衣不解帶者百五十餘日不入私室者八年母年益衰衣食動履親爲

嗣獲三十年如一日母年百有二歲奉

旨建坊及歿哀毀骨立悲動鄰里比葬廬墓側三年服闋後足跡不履

城市設鄉學訓課後輩乾隆四年奉

旨建孝義端廉坊邑令陳題其門曰孝子第

王昌字德徵章邱人文燦次子出嗣爲叔文煥後事嗣父母及本生父母敬養交至本生父歿其兄曼質易遼陽二十八載無音息本生母勞思成疾目昏不見物昌徒步訪尋每過村墟野廟哭泣拜禱閱數年聞有一山東人爲某事誣繫某縣獄昌蹤跡之果其兄也力爲申訴獲雪與之歸告母母驚喜自復明

高冲章邱庠生父宗嗣兄銓家頗裕父母病湯藥起居未嘗一假手於婢僕與銓友愛甚至家事銓獨任之冲得專務儒業乾隆

濟南府志

卷五十四

人物十

國朝

章邱

六

辛酉舉於鄉壬戌會試後聞兄病卽歸同輩勸少待冲曰吾賴兄成立不忍以功名故或薄也比揭曉列中正榜例選教職以先歸扣除冲無悔意及析居有良田頃餘盡與姪輩

李進登章邱人性醇篤父母歿號慟骨立素有足疾營葬北郭開匍匐堆土成墳於墓側築草廬朝夕哭奠者三載以哀毀卒

吳士成字秀實章邱人七歲喪父事母沈曲盡孝養母以救火傷手足委頓牀蓐奉侍惟謹不入妻室者十年及母年衰飲食跬步必躬自扶持五十載如一日母亡哀毀骨立比葬露處墓側

子國彥國瑞念父已老跪泣哀勸不得已歸掃除一堂設木主事之如生族黨共稱其孝

韓良士章邱人性孝友五世同居家口百餘處和集篤於友誼

有姑蘇客商以重資寄其家十餘年不至訪之金陵商已歿以
原貨歸其子人服其高義云

高升秀章邱諸生好施與瞻族濟困康熙甲申歲歉有里人婦方
寡貧議再醮三子幼論以大義收養之母子得完聚累舉鄉飲
年九十而終邑令馬表其廬

張邦字章邱人喜施予所居莊側有石河夏秋漲溢往來者多病
涉倡義集貨築巨橋行人利之年九十餘終

高如峴字峻生章邱人勤苦治生家稍裕慷慨不吝邑中義舉如
學宮奎樓橋梁道路其始則為之倡其成則為之終又捐資於
廣濟堂邑令章以聞上臺獎以匾曰慕義維風

高識字明遠如峴子監生援例授州同職邑中營建事多賴贊襄
濟南府志 卷五十四 人物十 七

修城池功尤著親友負欠者雖千萬不嘗逼索之嗣子慶長字
餘久例授都司職遇三妹厚里族義之

高登旺字際九章邱歲貢生性和易無疾言遠色犯者未嘗與校
有貧婦盜其稼遇而詰之婦曰吾盜高際九麥於爾何與高曰
際九即來矣可速攜之去其雅量類此邑人李慎修述其行事
與柏超張珮為三善合傳云

柏超章邱人少業鍛鐵後家漸裕有弟析居已久弟歿召弟之妻
同居延師課其子成就之凡有稱貸無不與亦不責其償老弱
跛疾之貧者咸詣其家為傭或以詰超曰一人豈無半人之力
乎其厚德類若此

高鳳池字協遠章邱諸生心矢持繼母性嚴毅委曲奉養得其歡

心撫兩幼弟成立厥家務煩冗養和省會利濟堂歷城令李委
解邊餉有內顧憂為經紀其事李歸幣酬之卻不受唐文高以
病噎解官歸潛購樹木尾之行抵家越一日而卒巡撫岳煥掖
善類頌其堂曰滋德

季大乾章邱人例貢生尙義好施比舍某欲售其居以償逋為設
措保全之有里正欠官項代輸五十金贖其罪壽至七十歲

張之珠字荆玉章邱人父性嚴有小過輒杖怡受無怨色父母歿
哀毀過人與弟之珺篤友愛弟有積債鬻田宅償之乾隆丙午
歲大饑道殣相望買粟平糶不給貸資足之

章榮德章邱人任章家莊性孝友莊為南北通衢值雨多泥濘創
議修砌石道一百三十九丈子縉傳敦厚有行誼竝以好施樂
濟南府志 卷五十四 人物十 六

善稱 張心培字良田章邱人敦厚務農樂任邱比鄰買姓貧予之田數
畝不索值子思健嘗為族人贖田宅不以自德俱以優老給頂
帶

焦式泰字舒菴章邱人以商買致小康胞妹適霍氏婿遠出迎養
於家三分田宅俾甥有其一入共義之

張克剛字健資章邱人質布至賈縣值歲饑有戚某欲鬻其妻助
之金俾得完聚里黨窮乏者必加周恤壽至八十三次子鳳吉
性孝友長兄早世撫猶子成立壽亦八十三

襲方印字康侯章邱人乾隆丙午大饑里人張廷舉謀鬻妻子以
活其父母知之踵門曰我有菽粟可供朝夕一家遂克完聚

高承華章邱人嘗拾遺金於道俟其人還之中年家稍裕所識窮
乏有喪葬嫁娶事輒貸之金不責償有善人之稱

劉浴字沂濱章邱人年踰四十無子買家陰饑民女夢為妾問知
為吳氏童養婦即召女父還之不追其值

商繼魯章邱人居商家柳莊與父文舉治天倉嶺險道重斃馬跑
泉修泰佔行宮年至八十餘

吳志尚字越莽章邱人性恬退不求仕進熱性理周易訓人多用
小學及先賢語錄居家以孝友稱里中有家庭不和者必稱引

古人孝友事諄復開諭其人感泣而後已善草書卒年七十三
王有禮章邱人務農敦本乾隆丙午歲饑嘗散粟百餘石以濟貧

乏嘉慶二十四年建坊時年一百三歲

濟南府志 卷五十四 人物十 九
國朝 章邱
蔡維柱章邱監生乾隆丙午歲饑出粟助賑里無流亡者卒年九

十六
趙繼興字不振章邱人性孝友有子一而姪三析產時分田宅為

四自取其一有貸者以農具償息出券焚之更周以粟通醫遇
貧者留家調治之曾孫鏞領嘉慶丙子鄉薦

鞏延柱號蘭亭章邱監生父亡撫幼弟成立居臨嶺河夏秋水溢
倡議築堤表四五里廢丈餘水患以息

康汝綱字持三章邱人候選州同知住明水鎮父夢麟尚聲氣濁
賞財以博親歡乾隆丙午大饑以所羨濟饑者鎮西為衝橋表

三里許近水易圯數運土築之
康星燾字紫垣汝綱子援例授兵馬司副指揮彭承先志錦江橋

傾危倡議重修留意古蹟嘉惠後學尤多義舉

孟雲峯字嵐亭章邱人由廩生任昌樂訓導後官戶部主事乞養
歸里繕宗祠置祭田精岐黃設藥餌濟人尤能孝事繼母嘗手

輯古今倫常事十餘卷曰人鏡集
王應植字嘉樹號宜軒本籍秀水自其父遷章邱嗜學工詩古文

詞嘉慶庚申舉人選在平訓導丁祖母憂歸邑令延主繡江書
院講席既而選海陽教諭以母老多病辭不赴廉介自持慎交

遊嚴取予善解經義弟子多掇科第著有四書摘解宜軒雜詠
詩

韓麟第字玉書章邱人由吏員考授府經歷早喪父奉母至孝撫
幼弟成立樂施予族有孀婦柏氏嘗飲助之得終其節壽百歲

濟南府志 卷五十四 人物十 十
國朝 章邱
子之夔附貢生亦輕財好施里鄙有告貸者無不應亦不責償

鄉人多感之
張緒孟字繼興章邱人樂施與族有姑婦孀居者竭力周給之邑

令張灝清廉有賢聲以疾沒於署貧不能歸嘗以白金五百助
之

袁可式字訓古章邱人住張官莊有從姪喪親無依撫養之為婚
娶如禮夜中有竊伐樹者次夕復至責以大義其人愧欲去可

式曰汝終夜營營為此樹耳速將去後其人改行自言人始知
之壽八十二歲

高振先字法坤章邱諸生幼喪父事母以孝聞勅宗祠修族譜執
經請業者先後百有餘人貧者御其脩脯兼助以衣食生平不

議人長短壽八十子孫皆入膠庠

任思義章邱人監生住鄭家道口莊乾隆丙午歲饑輸粟賑救莊西小清河水漲決堤數丈捐金堵塞之有貸其金者不能償輒焚其券

李朝幹字廷弼章邱人住河南莊幼聘牛嘉祥之女未幾女病嘗牛氏辭婚時朝幹方七歲祖大正探其意慘然曰吾不忍也祖喜從其志既娶終身相敬如賓人以方宋劉庭式云

張肇鳳字瑞公章邱人監生嘉慶三年歲旱頓邱莊缺水為鑿石井一方稱便又於近地孤冢遇春秋節量給佃戶祭資令修築以祭之

邦紹宗字遠衣章邱人博聞強識乾隆庚寅舉人任嶧縣訓導厥濟南府志 卷五十四 人物十 國朝 章邱 三

課程以教士多所成就

郝茂椿字鄰霄裕宗子廩貢生俊逸超拔以文章名世尤工書畫有灑然出塵之致

董掄賢章邱人性慈好義族有欲奪節婦志者怒責之且時調恤以全其義壽至八十一歲

張延芳字思馨章邱人好善樂施瀟江橋圯捐金與李朝勳倡修又於女郎山監栽柏樹三千株

李爾藩字价人章邱人監生父之魁如施與能先意承志得親歡季弟爾俊生週月即失恃賴以成立仲弟爾載因重獄被誣波私產為之昭雪素尚敦睦能以德化人族里無爭訟者壽至八十三歲子孫皆列邑庠

穆遇春章邱人順治間重修大清橋路

陳有新字月庭章邱人性孝友事父母敬養備至兄維新早卒無子以長子浚承其嗣孀嫂苦志禮之終身族弟貧竊伐坐樹四株族人欲究治之曰無益徒失雅睦耳復植樹以補之

甯志榮字君顯章邱人幼失怙母患瘵瘵疾十餘年侍湯藥未嘗假他人手母好食魚輒數十里求之無不得者兄志富敬事之田產多給姪輩乾隆丙午歲饑里有劉氏產盡欲鬻其妻力阻之助以衣食壽至八十五歲

孟國宇字立憲章邱人監生十歲喪父哀毀如成人母亡廬墓者三載姪可橋少孤撫之成立創家祠置祭田廣封樹族黨貧者周恤之倡修文昌閣年八十卒鄉人稱為孝義先生

濟南府志 卷五十四 人物十 國朝 章邱 三

李之麟字玉書章邱諸生性嚴謹敬老睦親周恤貧乏嘗語人曰聖賢道理一著心檢點日用間在在過著人多賢之

宋鏡字金聲章邱人歲貢性至孝母病泄不安席者百餘日心力俱瘁兩目昏年餘忽明嘗設義學於家鑿井於山村一方賴之甯永禕字肇先章邱人增廣生慷慨尚義住才家莊臨嶺河雍正十一年西堤沖決數百丈勸捐築堤勤勞特著又嘗首請學憲升章邱為上學里人共德之

李連朝字俊昇章邱人年十七為郡學生食餼早孤事母孝乾隆乙未其兄客死濟陽母悲痛百計拊搗往尋山水漲發開關道路扶兄輓歸母終哀毀盡禮嘉慶甲子恩貢卒年八十

鞏學湯字敬躋章邱人性孝友其妻焦亦善事舅姑家素貧薦

進欲必嘗親意親沒哀毀幾滅性兄弟析產早亡孀孤伶仃復引同居撫猶子如己出好讀書每言經史大義以孝弟忠信爲實學里閭有雀鼠訟至輒解卒年六十乾隆乙卯邑令嚴孫貽作鞏處士傳勒諸石

孫邁力章邱人年八歲其父客死沂水十餘年無音耗既長爲人傭積錢往覓父棺不得號泣於野有老人告之取爲斂貨助之歸葬

羅開勳字銘書號桐圃章邱人家貧攻苦嘉慶戊辰舉於鄉館齊河聞父病星夜馳歸病劇請減已算以禱於神尋愈嘗賦百里負米詩以自勉

李仁和字育萬章邱監生年十七喪父事祖母及母以孝聞撫養

濟南府志

卷五十四

人物十

國朝 章邱

三

弟妹婚配以禮母卒哀毀骨立廬墓三年

李肇勳字放公章邱人明崇禎己卯舉人順治初官浙江慶元知

縣性仁慈工詩善行草通經義著有四書辨註愛吾廬全集

韓與祿字公錫章邱廩生有德行勤讀工詩著松友園詩新城王

文簡爲之序

郝祚蕃章邱諸生文詞瞻美學使黃刺賞之每口誦其文名播山

左後以歲貢官福山訓導

李乃質字孟堅章邱廩生著有四書講意

張廷徵字者德章邱人家不中貨事親極甘旨之奉既葬母侍父

寢者二十餘年父亡廬墓三載卒年七十四

柏福通章邱人五世同居雍雍循禮法務農課子邑令李給匾獎

之孫二人先進邑庠生士璉歲貢生曾孫廣恩乾隆庚午領鄉薦雍正八年壽百歲終

王欣然王瑞然章邱人住西頓邱莊兄弟也乾隆二十七年欣然一百三歲瑞然一百歲有司具以聞奉

旨各賞給上用緞一疋銀十兩

勅建熙朝雙瑞坊並頒

御製詩一軸

高如炯章邱人候選州同知乾隆三十六年

東巡獻賦蒙

恩賞壽域祥徵四字黃緞一疋時年九十五歲

李盛猷章邱人壽百四歲乾隆三十八年蒙

濟南府志

卷五十四

人物十

國朝 章邱

三

御賜頂帶黃衣拐杖及褒榮耆德四字

胡元亨章邱監生乾隆五十年恭與千叟宴頒

御製詩方竹杖金銀牌補服犬緞紗綾各件

馬名捷字連三章邱人候選守備乾隆六十年恭與千叟宴頒

御製詩一軸鳩杖如意荷包各件

張耀字光遠章邱人與弟統細友愛甚篤同爨無閒言邑令嚴匾

獎之輝壽九十歲統五世同堂邑令張匾其居統壽九十細壽

八十五皆邀頂帶

史輝宗章邱監生六世同堂邑令以聞顏其堂曰慶衍元來壽九

十餘

高注字百川章邱增生善書喜植菊五世同堂壽七十九歲邑令

王福獎之

袁作字章邱廩貢生之升曾孫纂輯遺文克承家學五世同堂壽九十餘歲

任永祿章邱人五世同堂監司以下俱匾獎之壽八十六歲

劉珍劉琮章邱人兄弟同乳而生最友愛珍壽九十琮壽八十八子

孫三十一人

劉正福章邱人壽一百二歲雍正七年邑令李匾獎之

隄世臣章邱人端方謹慎壽一百二歲乾隆十三年建坊

蔡錫印章邱人年一百四歲乾隆十八年給頂帶建坊

李之清章邱人年一百一歲乾隆二十七年建坊

李云周章邱人年一百二歲乾隆三十六年建坊

濟南府志

卷五十四 人物十

國朝 章邱

五

朱奉章邱人五世同堂年一百歲乾隆三十七年建坊

劉詩章邱人年一百二歲乾隆五十五年建坊

杜均瑞章邱人年一百七歲乾隆五十九年建坊

李贊官章邱人年一百二歲乾隆六十年建坊壽至百八歲

李疏源章邱人年一百二歲嘉慶二十五年建坊

史田義章邱人五世同堂年八十餘歲

袁世春章邱人五世同堂年八十餘歲

李承順章邱人五世同堂年九十餘歲

韓本桂章邱監生五世同堂年八十餘歲

游文瀚章邱人鄉飲介賓五世同堂年七十餘歲

高英章邱監生年九十歲妻劉氏亦九十歲五世同堂邑令傳匾

獎之

鄭汝忠字誨菴章邱人援例授千總職子三思遠監生芳蘭膺鄉薦思遠從九品五世同堂道光十二年建坊

濟南府志

卷五十四

人物十

國朝 章邱

五

國朝 鄒平

呂釋如字元穎鄒平人少孤為大父母撫育及長補諸生鍵戶下
帷攻苦力學由拔貢筮仕得算城令時伏莽未定毅然之官撫
其凋殘與之更始悅安之內元氣斯存其人愛戴如依慈母秩
滿遷天雄別駕職司糧馬徵芻糗酌盈虛建營房兵民不擾視
濬家有懸魚之操擢長沙郡丞值軍興芻午洪文襄公承疇統
師駐境上祇應樸樸芻芻無不贈給保薦少參兼僉憲備兵湖
南撫順招攜布以恩信不數月居室者安堵荷戈者投誠介直
不阿有忌之者以微譴歸修隙者復列事中之赴楚會質事得
白三子公亮公憲公烈

呂公烈釋如子膂力過人順治甲午武舉官貴州平越府守備告

濟南府志

卷五十四

人物十
國朝 鄒平

七

終養歸班采承歡經史訓後築來清園以自娛生子鳴韶鳴岐

鳴鳳

呂鳴鳳公烈子貢生做儻灑落官邳州同知遷高郵知州卓有政

績以內艱歸州人為立去思碑

梁知先號郎公鄒平人選貢前明崇禎壬午舉人順治三年丙戌

進士授工部主事轉員外郎中八年出典陝西鄉試授武昌知

府時大兵南討往來絡繹供應繁劇處之裕如鷄鳴起治文書

謁上官日盱聽政獄無遁情案無留牘繕城郭脩堤梁旌節義

禁殘暴勤勞八年膺五薦十七年遷兩淮都轉鹽法道時商竈

交困軍需繁興以課短見謫閒住三載康熙二年秋以通賦通

完再補兩浙都轉鹽法道歲額四十萬催科之煩倍於淮上夙

夜憂勤兩年間完課逾百萬歷撥軍餉雖急期無誤者武林西

湖之勝甲天下西泠六橋開多香山玉局故蹟簿書之暇遇佳

風日輒與賓寮及賢士大夫嘯歌寄懷曉歸篝燈兀坐月上香

寒獨低徊不已性儉樸一葛一裘不敝不易竹几縑簾風味蕭

疎每下食小具鹽酪無加豆與人虛懷退讓遇之者如坐春風

岳拔倫字扶九鄒平人世業農父一星始入邑庠拔倫與弟讀書

醴泉寺為諸生食餼貢入成均康熙癸卯舉順天鄉試後授益

都教諭戊午應河南鄉試分校官之聘得士七人已未遷成山

衛教授值營弁齟齬諸生為不平直之當路以宅事去官門人

耿悼官廣平乃為粵東之游未至卒於路耿為歸其喪

王廷對鄒平人明河間太守之士長子以貢仕雙流縣令生鼎昌

濟南府志

卷五十四

人物十
國朝 鄒平

二

及會升鼎昌生錫申康熙戊子舉人官定陶及益都蓋山衛校

官命申康熙甲午拔貢任丹陽令會升生宜申邑庠生性孝友

能詩文年三十失偶義不再娶或贈以妾不受獨居四十年琴

書一室以自娛祀忠義孝弟祠

王懋申之士曾孫孝友端方博學工古文詞精理學邑令劉元慧

顏其堂曰述朱

王啟卓字文超號醴山懋申次子雍正癸卯歲貢有至性侍父病

三年不解衣主虎岩社學晚學多受甄陶著有元音文集桐溪

詩集

王元禧字介祉啟卓次子乾隆丙辰恩貢文章德行多士宗之

有西窗閒錄及詩

王啟達字洞九廷薦曾孫性行嚴峻學問篤實康熙辛卯舉人分

發江蘇知縣未任而卒著有家國至言章邱李慎修爲之序

王啟燧字邁千啟達弟康熙癸巳舉人兩上春官不第以父年老

家居不出結齋古槐下日者烏衣坐茅齋中生徒環列聽講德

行文章稱梁那巨擘相國劉文正公統勳顏其齋曰槐友爲作

序贈以聯云洛下遺風新白雪江東世德舊烏衣著有六槐山

房集

王啟治字曙暉廷獻之孫玉奐子也雍正癸卯拔貢性嚴峻訓士

有法主虎岩社學垂四十年擬甲乙科及小試冠軍者多出其

門後之談德行文章者猶嘖嘖稱之

王元魯號愚山啟詰子也啟詰六歲幸免於高樓兵火之難長生

濟南府志

卷五十四

人物十

國朝

鄒平

无

元魯以歲貢官東平州訓導司鐸五年宦跡有聞能書尤工蘆

雁零縑斷楮至今人爭寶貴焉

王賜鏞字稚川元魯子以拔貢任樂陵教諭諸生朱子範因家貧

浪游市井拘之以來給助膏火力勸成之三年聯捷進士由是

桃李盈門造就者不勝指數

王賜鏞字鎮北號九旭以廩貢官滕縣訓導再任登州訓導性恬

退和平樂易一無所忤人有一節之長必獎成之在登州日監

瀛洲書院與山長周倩玉朝夕討論斧藻諸生肄業之士多登

甲乙榜列仕籍因母春秋高乃決計歸闕地爲園雜植花卉蔬

菜招後進讀書其中課子孫嚴日有程不少寬假

王方珊字擬陵賜鏞子乾隆丁酉拔貢才地高蹇襟懷灑落口不

言人過兼詩文書法三者之長踰厲文場學者多賴以成焉

王方瑚字海林賜鏞次子乾隆己酉舉人司鐸榮成性方正居賸

室無隋容家中不貲而好義輕財根於天性言訥訥不出口與

人無忤而無形中之崖岸不可貶損也縣有公事竭力圖之弟

方璣字道泉府學拔貢

王方義字德且乾隆己巳恩貢少孤性至孝母訓嚴肅使從進士

周城受學因以成立嘉慶十一年選陽信教諭建文德橋於學

署前以便行人率多士重修聖廟并門廡祠宇而廓大之訓迪

有方受業者百有餘人多拔科名以去居官十三載告歸舉鄉

飲大賓卒年九十七

王永振微子康熙甲午武舉任衡州都司教練有法得士卒心暇

則讀書吟嘯與士大夫相往還輕裘緩帶之風從孫賜豐乾

隆己卯武舉

魏秉鈺字鍾華鄒平人父永昌有厚德秉鈺篤志好學尤工詩律

乾隆甲子舉人歷官濮州學正著有蘭軒詩草詩法星鳳集試

律水壺

馬驥字宛斯鄒平人祖九功號肖南祀忠義祠父化身早歿依祖

以居順治三年丙戌重行鄉試中式己亥成進士謁選居京邸

用才望與順天鄉試考官所拔皆知名士除淮安府推官平

反三十案以裁缺歸補靈壁知縣革陋規均里甲刻石縣門歲

省民力無筭除荒田稅請蠲賑流亡復業者數千家爲政四年

卒於任民皆哭泣爲之制服部檄祀靈壁名宦驥少穎悟力學

濟南府志

卷五十四

人物十

國朝

鄒平

三

尤好左氏春秋以紀事易編年撰事緯十二卷附錄八卷又自太古迄秦撰釋史百六十卷後又網羅放失撰十三代瑰書官靈壁日刻澤史甫成得疾卒子承遺志為鐫事緯瑰書卷帙浩大未能版行康熙四十四年

聖祖仁皇帝

南巡至蘇州命大學士張玉書物色釋史原版明年四月差員賚白金二百兩賜其家取版入內府瑰書在典庫中二十年乾隆癸卯中丞周元理購去歸於江南邑中遂無是書矣

按馬宛斯釋史原版已入

大內惟左傳事緯版存侍御馬光家裔孫文慶得嚴禹航原序稱順治辛卯宛斯攜事緯游武林余見而悅之丁酉科余與試山東特宣城施愚山視學是邦欲捐俸梓之余力贊其

濟南府志

卷五十四

人物十

三

因為之序知宛斯成事緯在辛卯以前為孝廉已六七年矣

又七年丁酉禹航始序之又二年己亥宛斯成進士是書刻於身後校勘未精道光十二年文慶補刻原序其宗人文學

馬興基取其全書句櫛字比正其訛誤蓋版行百二十年迄今始稱完璧云

馬馴字端斯驢之弟貢生候選訓導七歲失怙侍與兄同依其祖九功祖歿事兄如父終日無浮語倦容同居四十年不析產兄

歿於靈壁開計千里命駕撫棺慟絕既蘇遣兄子扶柩歸身留金陵交盤凡三載無怨嗟居鄉嫻邑中有不和於兄弟不親

於宗族者必和之親之而後已待族人無疾言遽色而片然不可犯康熙戊辰鄒平文廟失修糾多士倡新之工成生子蓋六

十矣歿祀忠義祠

十矣歿祀忠義祠

馬神漢字孟白謙沖溫雅惠常及人子光以進士出宰羅次封如其官心益下氣益和耆老童稚皆昵就之康熙時沒鄉人台錢具牲醴祭之祀鄉賢祠

馬光字幼實神漢子順治辛卯舉於鄉十六年己亥與驢同中進士榜除雲南羅次縣便道抵里偶外出有土賊攻其家父居樓

上光聞警糾村人叫呼而進賊少卻父得奪門出鄉里傳其孝勇赴任服官有政聲後補江南寧國縣治行第一祀江南名宦

祠行取入都除雲南道監察御史改河南道出巡兩浙鹽課康熙十六年因郭琇三大疏有趙高鹿馬之謫請奉天三十五年

大軍北討光子佩玠佩璋投狀願入金買馬運糧以贖父罪許

濟南府志

卷五十四

人物十

三

歸仍予官以獎其孝光歸卒於家子珮璋由貢生官正陽令

附錄山左郭華野三大疏始末

先是侍御史郭華野上三疏劾河臣內臣大臣

即墨令高上達曹縣教諭劉逢甲成山衛教授孫熙居官有能名山東在京大僚萊陽趙大常崙高郎中起元福山鹿侍

耶廷瑛鄒平馬侍御光皆薦之於大中丞華野亦有書焉御史張星法劾中丞怨家之黨與中丞書曰汾陽之蘊隆已久

太原之口角有力汾陽指華野太原指高密禮部侍郎王揚昌也中丞上奏謂郭琇因囑薦不遂使星法劾已事下注司

按問華野曰某能上三大疏豈為副憲反假手星法乎問者不